



Broj: 01-2-09-34-1-748/24
Datum: 01.10.2024. godine

POZIV
ZA DOSTAVU PONUDA ZA ORGANIZOVANJE ŠKOLE U PRIRODI ZA UČENIKE
IV RAZREDA JU "ČETVRTA OSNOVNA ŠKOLA" ILIDŽA-HRASNICA U
ŠKOLSKOJ 2024/2025. GODINI

- **Naziv ugovornog organa:** JU „Četvrta osnovna škola“ Ilidža-Hrasnica
Adresa: Put Famosa broj 33, 71 212 Hrasnica.
Telefon/fax: 033/698-202, 033/698-203.
Kontakt osoba: Samira Holjan, direktorica škole i Ernad Berilo, sekretar.
- **Opis predmeta nabavke:** Organizacija Škole u prirodi za učenike IV razreda JU "Četvrta osnovna škola" Ilidža-Hrasnica.
- **Bitne informacije o zahtjevanom turističkom paketu/aranžmanu:**
 1. **Opis prijevoznog puta:** Relacija (Hrasnica – Ajdinovići - Hrasnica);
 2. **Opis odredišta:** Sportsko-rekreativni centar Ajdinovići;
 3. **Podaci o vrsti, položaju, kategoriji i udobnosti, te druge glavne naznake smještaja i ishrane:** Smještaj u hotelu sa minimalno 3*, pravilna i zdrava ishrana primjerena učenicima osnovne škole;
 4. **Opis hotelskog aranžmana/smještaja:** 2 puna pansiona (doručak, ručak i večera); Svaki propušten obrok u hotelu. Agencija je obavezna obezbijediti lanč paket za sve učesnike.
 5. **Vrsta prijevoznog sredstva, njegove naznake i razred:** Prijevoz luksuznim turističkim autobusom, ne starijim od 12 godina (Klima, TV i WC);
 6. **Ukupan broj dana i noćenja u aranžmanu:** 3 dana i 2 noći;
 7. **Datum, vrijeme i mjesto polaska i povratka:**
 - Polazak je 11.11.2024. godine u ranim jutarnjim satima (prema dogovoru sa odabranom agencijom) iz Hrasnice, ulica Put Famosa broj 33, Općina Ilidža i
 - Dolazak je 13.11.2024. godine u večernjim satima, na mjesto polaska;
 8. **Cijena aranžmana i iznos ili postotak od cijene koji se plaća kao avans i vremenski raspored za plaćanje preostalog iznosa:** Plaćanje avansa ne postoji, ukupan iznos sredstava se uplaćuje jednokratno i cijena aranžmana ne smije prelaziti iznos od 210.00 KM sa uključenim PDV-om po učeniku, a na kalkulaciji od 32 učenika;



9. Cijena (fakultativnih) usluga: Obavezno uračunata u ukupnu cijenu aranžmana;
10. U cijenu nisu uključeni samo individualni troškovi učesnika:
11. Izvor finansiranja Škole u prirodi: Sredstva koja obezbjeđuju Ministarstvo za odgoj i obrazovanje Kantona Sarajevo;
12. Gratisi: Gratis putovanje za pratiocce učenika iz škole - za osobe koje odredi Škola;
13. Zahtjevi u pogledu zdravstvenog i putničkog osiguranja: Uključeno u cijenu (vidjeti pod stavkom ovog poziva: Minimalni zahtjevi putovanja);
14. Kratak opis zahtjeva za garanciju za ponudu i garancija za dobro izvršenje posla: Potpisana i ovjerena izjava (data kao prilog 1);
15. Kriterij za odabir kojima se uspostavljaju minimalni kvalifikacijski zahtjevi za ponuđače: Dokaz o posjedovanju odgovarajuće licence i dokaz o ispunjavanju drugih uslova za obavljanje registrirane djelatnosti (izjava u prilogu 2);
16. Agencija mora ispunjavati uslove iz Zakona koji uređuju turističku i ugostiteljsku djelatnost, obezbijediti osiguranje realizacije plana i programa Škole u prirodi koji je utvrđen Izvedbenim planom i ovim pozivom kao i poštivati sve odredbe ugovora koji će se potpisati nakon provedenog postupka;
17. Minimalni zahtjevi putovanja:
 - Obavezuje se Agencija da koristi samo ona prijevozna sredstva (vlastita prijevozna sredstva ili prijevozna sredstva u vlasništvu drugih pravnih i fizičkih lica koja su registrirana za obavljanje djelatnosti prijevoza putnika) u kojima su putnici i prtljag osigurani (putničko i zdravstveno osiguranje).
 - Pri realizaciji putovanja moraju se koristiti autobusi odgovarajuće starosti (da autobusi nisu stariji od 12 godina), tehnički ispravni i pregledani, pod uslovom da njima upravljaju lica koja ispunjavaju zahtjeve u pogledu profesionalne obučenosti i kompetentnosti i za koje Agencija školi treba dostaviti pisani dokaz o psihofizičkoj sposobnosti za upravljanje autobusom (tahografske trake za prethodna dva dana od dana slanja ponude), u ponudi se može poslati izjava o navedenom, a data je kao (prilog 3);
18. Agencija je dužna obezbijediti usluge turističkog vodiča kao što je navedeno u opisu aktivnosti po danima. Za sve posjete znamenitosti svakodnevna je obaveza pratnje turističkog vodiča koji će biti angažovan od strane Agencije, a koji ima položen stručni ispit za turističke vodiče (izjava kao prilog 4);
19. Kriterij za dodjelu ugovora (kriterij za ocjenjivanje ponude): Najniža cijena;



20. Mjesto, datum i sat za dostavljanje, odnosno prijem ponuda (Krajnji rok za dostavu ponuda): JU „Četvrta osnovna škola“ Ilidža-Hrasnica, ul. Put Famosa br. 33, srijeda, 09.10.2024. godine do 11:00 sati:
21. Mjesto, datum i sat za otvaranje ponuda: JU „Četvrta osnovna škola“ Ilidža-Hrasnica, ul. Put Famosa br. 33, srijeda, 09.10.2024. godine u 12:00 sati:
22. Minimalan period važenja ponude: Ponude važe do kraja procedure (izbora ponuđača, potpisivanja ugovora):
23. Uslovi za dobijanje tenderske dokumentacije: Tenderska dokumentacija je sastavni dio sadržaja ovog poziva i nije podložna naplati:
24. Uputstvo za formiranje ponude: Navesti precizno kao u stavci opisa aktivnosti za svaki dan posebno kao i ostale stavke ispoštovati u posebnim navodima:
25. Da li su dozvoljene alternativne ponude: Ne:
26. Opis aktivnosti i vrste sadržaja koje trebaju biti realizovani u toku trajanja Škole u prirodi: Za svaki dan posebno u ponudi navesti opis aktivnosti i vrste sadržaja koje će se realizovati:
27. Izvedbeni plan: Kao prilog 5:
28. Period na koji se zaključuje ugovor: Ugovor se zaključuje jednokratno i traje do izvršenja usluga, nacrt Ugovora je kao prilog 6:
29. Zahtjevi po pitanju jezika: Ponude moraju biti napisane na jednom od jezika koji su u službenoj upotrebi u BiH (bosanski, hrvatski ili srpski jezik):
30. Način dostavljanja ponude: Poštom ili lično na adresu škole u zatvorenoj/zapečaćenoj koverti sa posebnom naznakom: Ponuda za Školu u prirodi - ne otvaraj - otvara Komisija:
31. Adresa na koju se ponuda dostavlja:
JU "ČETVRTA OSNOVNA ŠKOLA" ILIDŽA-HRASNICA
Ul. Put Famosa br.33
71 212 Hrasnica
32. Provođenje pregovaranja i/ili diskusije sa ponuđačima ako je to neophodno: Nema pregovora kod ovog postupka:
33. Transparentnost rada Škole/Komisije: Ovaj Poziv uz Izvedbeni plan će biti objavljen na web stranici Škole. Svi ponuđači mogu prisustvovati javnom otvaranju ponuda.



POSEBNE NAPOMENE

- Plan aktivnosti je podložan promjeni uz dogovor Škole i Agencije.
- Za sve navedene aktivnosti: boravak, prevoz, posjete, ulaznice i ostalo nema posebnih plaćanja, odnosno sve je uračunato u cijenu Škole u prirodi.
- Odabrani ponudač je dužan da prije potpisivanja ugovora dostavi potrebne dokumente/dokaze u originalu ili ovjerenoj fotokopiji koje je dokazivao s izvjavom.

Dostaviti:

- Naslovu
- Web stranica škole

DIREKTORICA ŠKOLE

Samira Holjan
Samira Holjan, prof.



PRILOG 1

IZJAVA O GARANCIJI

NAZIV PONUĐAČA: _____
PONUDA BROJ: _____

U cilju odziva na javni poziv, kao potpisnici ovog POD PUNOM MORALNOM,
MATERIJALNOM I ZAKONSKOM ODGOVORNOŠĆU

IZJAVLJUJEMO

DA GARANTUJEMO DOBRO IZVRŠENJE UGOVORENOG POSLA.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____



PRILOG 2

IZJAVA O ISPUNJAVANJU USLOVA

NAZIV PONUDAČA: _____
PONUDA BROJ: _____

U cilju odziva na javni poziv, kao potpisnici ovog POD PUNOM MORALNOM,
MATERIJALNOM I ZAKONSKOM ODGOVORNOŠĆU

IZJAVLJUJEMO

DA POSJEDUJEMO Dokaz o posjedovanju odgovarajuće licence i dokaz o
ispunjavanju drugih uslova za obavljanje registrirane djelatnosti.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____



PRILOG 3

IZJAVA O VOZAČU/IMA AUTOBUSA

NAZIV PONUĐAČA: _____
PONUDA BROJ: _____

U cilju odziva na javni poziv, kao potpisnici ovog POD PUNOM MORALNOM, MATERIJALNOM I ZAKONSKOM ODGOVORNOŠĆU

IZJAVLJUJEMO

da vozač/i, koji će biti anagžovan/i kao vozač/i autobusa u toku Škole u prirodi, posjeduje/u profesionalnu obučenosť i kompetentnosti kao i psihofizičke sposobnosti da može/gu upravljati autobusom.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____



PRILOG 4

IZJAVA O VODIČU

NAZIV PONUDAČA: _____
PONUDA BROJ: _____

U cilju odziva na javni poziv, kao potpisnici ovog POD PUNOM MORALNOM,
MATERIJALNOM I ZAKONSKOM ODGOVORNOŠĆU

IZJAVLJUJEMO

da vodič, koji će biti angažovan kao pratnja učesnicima Škole u prirodi, ima položen
stručni ispit za turističke vodiče.

Ime i prezime osobe koja je propisno ovlaštena da predstavlja vodeću firmu:

Potpis: _____

Pečat firme/preduzeća:

Mjesto i datum: _____



PRILOG 5

JU „Četvrta osnovna škola“ Ilidža-Hrasnica

Put Famosa 33

Hrasnica

IZVEDBENI PLAN I PROGRAM

**ZA REALIZACIJU ŠKOLE U PRIRODI UČENIKA ČETVRTIH
RAZREDA**


Školska 2024/2025. godina

HRASNICA – SPORTSKO REKREATIVNI CENTAR
AJDINOVIĆI - HRASNICA

Hrasnica, septembar 2024. godine

JU OŠ "Četvrta osnovna škola"

Hrasnica



Izvedbeni plan i program
za učenike
četvrtog razreda

Školska 2024/2025. godina



Škola u prirodi program je višednevne terenske nastave za učenike 4. razreda osnovnih škola koji se izvodi prema preporuci Ministarstva za odgoj i obrazovanje Kantona Sarajevo. Škola u prirodi je obavezna i besplatna za sve učenike. Svako odredište, odnosno mjesto u kojem se izvodi program škole u prirodi nudi, osim ugovorenih programskih sadržaja, i mogućnost odlazaka na poučne izlete koji upotpunjuju terensku nastavu. Naše odredište je Sportsko-rekreativni centar Ajdinovići. Škola u prirodi će trajati ukupno tri dana (dva noćenja) i biće realizovana u mjesecu novembru ove godine. Realizacija Škole u prirodi će se izvoditi u pratnji učiteljice Nadide Šaćić IV-1 i učiteljice Selme Sipović Hamzić IV-2.

Program škole u prirodi podijeljen je na četiri osnovna dijela:

- obrazovni
- odgojni
- sportsko-rekreativni
- kulturno-zabavni.

• **OBRAZOVNI DIO**

Ostvaruje se tokom cijelog dana, a obuhvaća:

- Obilazak najvećeg ZOO vrta u BiH (preko 300 domaćih životinja, Bosanski psi tornjaci, razne ptice, fazani, golubovi, paunovi, krave, volovi, koze, ovce, jarad, janjad, konji, magarad, guske, čurke, patke, koke, zečevi, košute, jeleni, mačke....)
- Život u prirodi - obilazak četinarske šume, šumskim putevima i stazama, šetnja
- Edukacija - prezentacija: ishrana životinja, muženje krava i koza, prerada mlijeka u domaći sir i kajmak, kupljenja jaja... rad sa životinjama za opuštanje i doprinos zdravlju
- Jahanje konja za djecu
- Cilj je upoznati učenike s reljefom i klimom tog prostora, biljkama, životinjama, različitim karakterističnim pojmovima, zanimanjima ljudi, njihovim radom i turizmom.



• **ODGOJNI DIO**

Ostvaruje se od početka dogovaranja i pripremanja za školu u prirodi, a nastavlja polaskom te tokom samog boravka. Završava nakon povratka, odnosno tokom analize škole u prirodi. Obuhvaća upute roditeljima o tome kako pripremiti dijete za školu u prirodi, upute učenicima o ponašanju u autobusu, hotelu, tokom šetnje, u restoranu, o higijeni i odnosu prema učiteljici i vršnjacima.

• **SPORTSKO-REKREACIJSKI DIO**

Obuhvaća sadržaje tjelesne i zdravstvene kulture te likovne i muzičke kulture iz redovne nastave koji se obrađuju na odredištu škole u prirodi.

• **KULTURNO-ZABAVNI DIO**

Ostvaruje se nakon večere organiziranjem različitih tematskih večeri kojima se potiče dječija kreativnost i samostalnost. Može se organizovati i disko, karaoke i maskenbal gdje će se djeca opustiti i dobro zabaviti,

Škola u prirodi i drugi oblici ogojno-obrazovnog rada su specifični oblici odgojno-obrazovnog rada koji se realizuju izvan školskih prostora.

Ciljevi oblika odgojno-obrazovnog rada su raznovrsni i složeni, u društvenom pogledu su prioritetni i veoma odgovorni, a dijele se na:

a) opće:

- 1) odgojne,
- 2) obrazovne i
- 3) funkcionalne odnosno praktične.

b) posebne odnosno specifične, usmjerene prije svega na usvajanje dijela nastavnog plana i programa kroz:

- 1) neposredno upoznavanje sa pojavama i odnosima u prirodi i društvenoj sredini,
- 2) upoznavanje sa prirodno-geografskim obilježjima i historijskim znamenitostima Bosne i Hercegovine,
- 3) rekreativno-zdravstveni i socio-psihološki razvoj učenika.



Zadaci predstavljaju konkretizaciju ciljeva, koji se ostvaruju realizacijom sadržaja Izvedbenih planova i programa svih oblika odgojno-obrazovnog rada, a dijele se na opće i specifične odnosno pojedinačne zadatke.

(1) Opći zadaci su:

- a) materijalni (sticanje znanja, vještina i navika),
- b) odgojni (svestran odgoj) i
- c) formalni (fizički i psihički razvoj).

(2) Specifični odnosno pojedinačni zadaci su:

- a) proučavanje objekata i fenomena u prirodi,
- b) razvijanje interesovanja za prirodu i izgrađivanje ekoloških navika,
- c) upoznavanje načina života i rada stanovnika pojedinih krajeva,
- d) razvijanje pozitivnog odnosa prema:
 - 1) nacionalnim vrijednostima,
 - 2) kulturnim i estetskim vrijednostima,
 - 3) sportskim potrebama i navikama,
 - 4) pozitivnim socijalnim odnosima,
 - 5) shvatanju značaja zdravlja i zdravog stila života,
 - 6) kulturno-historijskom naslijeđu Bosne i Hercegovine.
- e) podsticanje i ispoljavanje pozitivnih emocionalnih doživljaja,
- f) osposobljavanje učenika za ostvarivanje osnovnih ljudskih potreba izvan porodice



"Škola u prirodi" kao specifičan obavezujući oblik nastave, organizuje i realizuje se u Sportsko-rekreativnom centru Ajdinovići. SRCA se nalazi nedaleko od magistralnog puta Sarajevo-Tuzla u istoimenom mjestu Ajdinovići na području opštine Olovo. Kompleks je smješten u prirodnom ambijentu. Svojom ponudom usluga stvara odgovarajuće uslove svojim gostima u oblasti sporta, rekreacije i edukacije. Kompleks je prilagođenom uzrastu učenika s odgovarajućim uslovima zatvorenog i otvorenog prostora za poučavanje i učenje.

"Škola u prirodi" je specifičan način izvođenja nastave, kao jedan od oblika odgojno-obrazovnog rada, u kojoj dolazi do obrade novih nastavnih sadržaja te provjeravanja znanja i iskustava stečenih u učionici kroz primjenu u stvarnoj životnoj sredini.

Pogodnost ovog oblika nastave jeste lakše i brže učenje, jer ovaj oblik nastave odražava temeljito planiranje aktivnosti izvan učionice, s jasno osmišljenim sadržajima, ciljevima i zadacima, sadržajno i metodički adekvatno pripremljenim.

"Škola u prirodi" kao obavezan segment nastave, u prirodnom ambijentu, osigurava učeniku postizanje takvog cjelovitog i snažnog doživljaja nastavnog sadržaja kroz nastavu, radionicu, igru, takmičenje, pjesmu, priču, druženje sa vršnjacima, opažanje, upoređivanje, mjerenje, opisivanje, zaključivanje, obrazlaganje i učenje o svijetu koji ih okružuje.

"Škola u prirodi" osigurava i efekte u realizaciji nastavnog plana i programa koji doprinose trajnijem zapamćivanju i korištenju naučenog u životu.

U koncepciji rada "Škole u prirodi" posebnu ulogu ima odgojna i zdravstvena komponenta cjelokupnog rada gdje učenik, kroz poseban vid druženja sa vršnjacima bez direktnog nadzora roditelja, usvaja:

- a) nova saznanja i osamostaljuje se,
- b) pozitivne higijenske navike,
- c) pravila lijepog ponašanja,



- d) pravila zajedničkog suživota,
- e) uvažavanje različitosti,
- f) pozitivan odnos prema prirodi i sticanje ekoloških navika i
- g) potrebu za zdravim načinom života u smislu prehrane i boravka u prirodi na svježem zraku.

Pravilna demonstracija svih aktivnosti u prirodnim uslovima predstavlja primjeren način za njihovo adekvatno usvajanje, čime se potiče samostalnost učenika, njihova samokritičnost, jačanje samopouzdanja i samoaktualizacije, te učenika vodi na put sazrijevanja.

U postupku izrade Izvedbenog plana i programa "Škole u prirodi" neophodno je opredjeljenje škole usmjereno ka ostvarivanju optimalnog broja odgojnih ciljeva i zadataka nastave svakog nastavnog predmeta pojedinačno, kao i sadržaja i oblika cjelokupnog obrazovnog i odgojnog rada.

Organizacija nastave i ukupan boravak u "Školi u prirodi" je prvenstveno fleksibilan, što podrazumijeva i paralelno i integrativno izvođenje nastave svih predmeta s obzirom da se za te učenike realizira razredna nastava.

Ovakav izbor nastavnog gradiva i njegovo strukturiranje osigurava povezanost društvenih i prirodnih pojava i poučavanje u prirodi u njenom jedinstvu, s različitim aspektima, korištenjem metodologije aktivnog učenja i metodologije usmjerene na dijete (učenika).

U ukupnom procesu pripreme i realizacije "Škole u prirodi", neophodno je utvrditi i sljedeće ciljeve i zadatke:

- a) realizacija odgovarajućih sadržaja nastavnih i vannastavnih aktivnosti iz Nastavnog plana i programa za osnovne škole i vannastavnih aktivnosti u skladu sa programom vannastavnih aktivnosti škole,



- b) realizacija nastavnih jedinica prilagođena nastavi u prirodi u skladu sa Nastavnim planom i programom,
- c) sticanje i usvajanje odgojno-obrazovnih, socijalnih, zdravstveno-rekreativnih, psiho-fizičkih sposobnosti učenika i drugih znanja i vještina,
- d) izvođenje nastave u vanškolskim uslovima,
- e) usvajanje znanja i vještina uz korištenje posebnih metoda rada koje se rijetko primjenjuju u učionici,
- f) korelacija nastave iz pojedinih predmeta i njihova tematska povezanost primjerena ambijentu i uzrastu učenika,
- g) prilagođavanje učenika različitim uslovima života i rada,
- h) odgoj u duhu patriotizma, upoznavanja prirodnih ljepota zemlje, prirodnog bogatstva, uslova života i rada naših ljudi,
- i) evidentiranje ukupnog vremena provedenog za svaku aktivnost pri realizaciji nastavnih sadržaja za svaki predmet pojedinačno,
- j) određivanje vremena i prostora za ostvarivanje određenih sadržaja poslije uvida u sve mogućnosti koje pružaju s ciljem da budu najpogodniji i najkorisniji za realizaciju,
- k) stvaranje uslova za siguran i zdrav boravak učenika i održavanje ugodnog raspoloženja,
- l) naučiti učenike pravilima ponašanja u prirodi i poštovanju prirodnih pojava,
- m) razvijanje kolektivizma, tačnosti, urednosti, druželjubivosti i discipline kod učenika,
- n) bolje upoznavanje učenika i njihovih navika tokom odvojenosti od porodice,
- o) saznavanje, učenje posmatranjem, istraživanjem i praktičnim djelovanjem,



p) razvijanje svijesti kako njihove svakodnevne odluke utječu na okolinu, te kako mogu preduzeti male korake kako bi smanjili svoj ekološki otisak, važnost odlaganja i zbrinjavanja otpada i

r) utvrđivanje pravila odijevanja, kao dio pripreme za istraživanje u prirodi, koja se odnose na izbor odgovarajuće obuće i odjeće koja je komotna i pokriva/štiti tijelo.

ULOGA I ZNAČAJ

Škola u prirodi predstavlja vid osnovne pojmovne veze o užem i širem zavičaju, gdje će, daleko od gradske buke, učenici moći naučiti da od prirode uzmu sve što je dobro, a da je ujedno i sačuvaju.

Ovakvo poučavanje je neophodno i njegov značaj je u učenju putem kojeg se razvijaju interkulturalnost i interdisciplinarnost, upoznaju globalna zbivanja.

Učenje o prirodi u prirodnom ambijentu je imperativ vremena i ranog učenja, od bližeg ka daljem i u mlađem školskom uzrastu zauzima posebno mjesto u Nastavnom planu i programu.

U koncepciji rada Škole u prirodi posebnu ulogu ima odgojna i zdravstvena komponenta cjelokupnog rada, što i opredjeljuje prilikom izbora ovog oblika rada, s obzirom na mogućnost ostvarivanja što više odgojnih ciljeva i zadataka nastave svakog nastavnog predmeta pojedinačno kao i sadržaja i oblika cjelokupnog nastavnog i odgojnog rada.

„ŠKOLA U PRIRODI „- IZVEDBENI PLAN I PROGRAM

MJESTO: Sportsko-rekreativni centar Ajdinovići

VRIJEME REALIZACIJE: novembar, 2024. godina

REALIZATOR: Nadida Šaćić i Selma Sipović Hamzić

(32 učenika).

PLAN I PROGRAM:

1. dan

2. dan

3. dan



Radionica: Izazov selektivnog odlaganja otpada, smanjimo naš ekološki otisak.
(Međupredmetna poveznica: MOJA OKOLINA, MATEMATIKA I LIKOVNA KULTURA)

Prilikom realizacije škole u prirodi imat ćemo priliku ponoviti sadržaje iz predmeta Moja okolina, kao pojave i procesi u prirodi, životne zajednice šuma i livada, godišnja doba, prošlost, sadašnjost i budućnost, orijentacija u prostoru, grane privrede, ekologija, ličnu higijenu, zdrava ishrana, ponašanje za stolom prilikom obroka,.....

Napomena: Sadržaji iz Bosanskog jezika i Matematike će biti realizovani preko nastavnih listića koje će učiteljica pripremiti i ponijeti. Za učenike će biti organizovane i likovne radionice i sportske aktivnosti, a uz puno muzike i pjesme na zabavnim večerima realizirat ćemo i sadržaje iz Muzičke kulture.

UČITELJICE:

Nadida Šaćić

Selma Sipović Hamzić



PRILOG 6

Na osnovu člana 77. Stav (1) Pravilnika o realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi (“Službene novine Kantona Sarajevo”, broj: 34/24) i Odluke o izboru najpovoljnijeg ponuđača/Agencije, broj: _____ od _____ 2024. godine, zaključuje se

UGOVOR (NACRT) O REALIZACIJI ŠKOLE U PRIRODI

Između:

1. _____ (Agencije), sa sjedištem u _____, u ulici _____, ID broj: _____, koju zastupa _____ kao davalac usluga (u daljem tekstu: Agencija)

i

2. JU „Četvrta osnovna škola“ Ilidža-Hrasnica, sa sjedištem u Hrasnici, ulica Put Famosa br.33, Općina Ilidža, ID broj: 4200185420004, koju zastupa direktorica škole Samira Holjan, kao korisnik usluga (u daljem tekstu: Škola)

Član 1.

Ovim ugovorom utvrđuju se međusobna prava i obaveze između ugovorenih strana, a sve na temelju postojećih zakonskih propisa o Turizmu koji regulišu i štite interes Škole i Agencije, te prema općim uslovima putovanja koji su sastavni dio ovog Ugovora.

Član 2.

Temelj ovog Ugovora je prihvaćena ponuda Agencije broj: _____ od _____ 2024.godine i program „Škole u prirodi“ koja je ponudena Školi sa svim potrebnim sadržajima, zajedno sa ostalim pojedinostima koje ista mora sadržavati. Agencija se obavezuje održati program Škole u prirodi u Sportsko-rekreativnom centru Ajdinovići u terminu od _____ do _____ 2024. godine, a shodno prihvaćenoj Ponudi.

Član 3.

Škola se obavezuje da će Agenciji izvršiti uplatu sredstava za realizaciju Škole u prirodi, nakon usvajanja Izvještaja o realizaciji Škole u prirodi, za pojedinačnu cijenu po učesniku koja iznosi _____ KM i ukupnu cijenu koja iznosi _____, na račun Agencije broj: _____ otvoren kod _____ banke. Putničko i zdravstveno osiguranje je uključeno u cijenu.

Član 4.

Agencija se obavezuje da će za realizaciju Škole u prirodi osigurati jednog animatora i jednog licenciranog pratioca osiguranja (vodiča) za sve aktivnosti. Ista se obavezuje da će Školi osigurati gratis putovanja uz prethodni dogovor, a u skladu sa prihvaćenom ponudom.



Član 5.

Agencija se obavezuje da će za prevoz učenika obezbjediti autobuse visoke turističke klase, koji nisu stariji od 12 godina.

Agencija se obavezuje da će za smještaj učenika obezbjediti smještaj u hotelu sa minimalnom 3*, na bazi punog pansiona.

Član 6.

Agencija se obavezuje da će ispuniti sve obaveze koje proizilaze iz postojećih zakonskih propisa o Turizmu i drugih zakonskih propisa, a za koje se obavezala u prihvaćenoj ponudi. U slučaju prigovora ili primjedbi, Agencija se obavezuje iste riješiti u zakonskom roku i na način utvrđen Zakonom.

Član 7.

Agencija se obavezuje da će preuzeti odgovornost za plaćanje obeštećenja za neispunjene preuzete obaveze iz Ponude, ukoliko se utvrdi da je došlo do nepoštivanja istih njenom krivicom.

Član 8.

Sastavni dio ovog ugovora je Javni poziv za organizovanje Škole u prirodi, te usklađeni Izvedbeni plan i program realizacije Škole u prirodi, opći uslovi putovanja i program putovanja, te pisane saglasnosti roditelja kojima se prihvataju opći uslovi putovanja, program putovanja i daje saglasnost za učešće učenika. Također, ponuda, koje je prihvaćena kao najpovoljnija, je sastavni dio ovog ugovora i sve obaveze koje proizilaze iz nje su ujedno i obaveze kojima se obje ugovorene strane obavezuju ovim ugovorom.

Član 9.

Ovim ugovorom su predviđeni penali kao garancija za dobro izvršenje ugovorenih obaveza Agencije, a u skladu sa Članom 77. Stav (5) Pravilnika o realizaciji škole u prirodi, izleta, studijskih posjeta, ekskurzija, kampovanja/logorovanja, društveno-korisnog učenja i drugih oblika odgojno-obrazovnog rada u osnovnoj i srednjoj školi ("Službene novine Kantona Sarajevo", broj: 34/24). Ova vrsta obezbjeđenja će se koristiti samo ukoliko se ne ispoštuje nešto od ugovorenih obaveza.

Član 10.

Ugovorne strane će rješavati sve eventualne sporove sporazumno ili putem nadležnog Suda.

Član 11.

Ugovor je sačinjen u 4 (četiri) istovjetna primjerka, od kojih svaka strana zadržava po 2 (dva).

Korisnik usluga
JU "Četvrta osnovna škola" Ilidža-Hrasnica

Agencija

Samira Holjan, prof.

M.P.

M.P.

Broj: _____/24
Sarajevo, _____ 2024. god.

Broj: _____/24
Sarajevo, _____ 2024.god.